



carta

de scouts-msc

SOMOS UN **MOVIMIENTO EDUCATIVO** QUE PROPÓN A LOS NEÑOS, NEÑES Y XENTE MOZO ASUMIR EL PROTAGONISMU DEL SO PROPIU DESENDOLQUE.

Somos un Movimientu Educativu, un conxuntu d'homes y muyeres que compartimos l'ideal de persona, sociedá ya Ilesia del Escultismu Católicu y asumimos el compromisu de desendolcar y esparder el so Proyeutu Pedagóxicu n'España.

Somos un Movimientu pa los niños, neñes y xente mozo, que tamién integra como axentes educativos a los responsables, families y comunidaes cristianes que s'enfoten na so capacidá de responsabilizase del so desendolque y configuren los entornos educativos que faen posible l'Escultismu. El compromisu de nueso con toos ellos íguase al traviés d'una propuesta educativa, el Programa de Xente Mozo, que quier responder en cada momentu a les sos necesidaes y aspiraciones.

Pa llevar a cabu'l nuesu proyeutu dotámonos d'una estructura organizativa que tien que ser eficaz, flexible, democrática y participativa pa tolos axentes que formen parte del Movimientu.

SOMOS PARTE DEL **MOVIMIENTO SCOUT**, UNA HERMANDÁ UNIVERSAL QUE COMPARTE UN IDEAL DE VIDA, UN MÉTODU DE TRABAYU Y UNA MISIÓN: CONTRIBUYIR A LA CONSTRUCCIÓN D'UN MUNDIU MEYOR.

Somos parte del Movimientu Scout, una hermandá universal que quier contribuyir a la construcción d'un mundiu meyor, acordies colos valores universales espresaos na Llei y la Promesa recoyíos na Constitución de la Organización Mundial del Movimientu Scout, que conviden a cada scout a ser una persona íntegra y feliz, socialmente comprometida y abierta al alcuentru cola Trescendencia.

Al través de les nuses actividaes, articulaes acordies col Métopu Scout, acompañamos a los neños, neñas y xente mozo nel so procesu d'espoxigue personal, proponiéndoyos la implicación activa nun proyeutu educativu non formal que-yos permite protagonizar el so propiu desendolque.

Mediante la realización de la so xera educativa, los y les responsables scouts desarrollen un serviciu a los demás pel que'l Movimientu contribúi a la tresformación positiva del mundiu, utilizando'l so exemplu personal como ferramienta fundamental y comprometiéndose en procesos de formación y desendolque.

SOMOS PARTE DE LA **ILESIA CATÓLICA**, UN BON LLUGAR QUE CONVIDA AL ALCUENTRU TRESFORMADOR CON DIOS NEL QUE TOLES PERSONES QUE QUIERAN DESENDOLCAR LA SO DIMENSIÓN ESPIRITUAL SON ACOYÍES.

Somos parte de la Ilesia Católica y sentímonos corresponsables de la so misión, que desarrollamos al través del nusu proyeutu educativu. El Movimientu de nuso ye un bon llugar onde les persones cristianes se sienten convidaes a fortalecer la so fe al través del alcuentru con Xesucristo, el compromisu cola Ilesia, y la opción por integrar na so propia vida los valores del Evanxeliu.

Somos l'Escultismu que propón la Ilesia a iniciativa de los sos pastores y por ello sentímonos llamaos a ser la casa común de tol Escultismu Católicu n'España.

Al través del Escultismu Católicu, la Comunidá Cristiana ábrese y acueye a toles persones dispuestes a descubrir ya afondar na esperiencia espiritual, independientemente de la so tradición relixosa o de que nun s'alcuentren identificaes con nenguna. Por ello, tamién nos comprometemos a fomentar la esperiencia de la pluralidá y la comunión dientru la Ilesia, y a contribuir al Ecumenismu y al Diálogu Interrelixosu.

SOMOS UN MOVIMIENTO COMPROMETÍU COL NUESU ENTORNU NATURAL, SOCIAL Y CULTURAL.

Somos un movimientu comprometíu cola sociedá, con caúna de les persones que viven en territoriu español, especialmente con tolos neños, neñes y xente mozo, seyan les que seyan les sos circunstancies, y coles sos families, que confíen en nós una parte importante de la educación de los sos fíos y fíes.

Somos un movimientu apartidista onde nos afayamos persones que, compartiendo los valores del Escultismu y el compromisu cola democracia, tenemos estremaos puntos de vista políticos y sociales. Queremos contribuir a la construcción d'un mundiu meyor fomentando que los neños, neñes y xente mozo asuman una ciudadanía crítica, responsable y participativa, comprometida activamente cola tresformación de los sos distintos entornos sociales, abierta a la cooperación con toles persones del mundiu.

Apostamos por trabayar en rede con aquelles organizaciones coles que podamos compartir el nuesu serviciu.

Somos conscientes de que formamos parte del entornu natural y comprometémonos a la so preservación y usu responsable, promoviendo la so sostenibilidad.

Consideramos que les distintes identidaes culturales de nueso, tanto les propies como les qu'aporten les persones que vienen d'otros países, constituyen una riqueza que merez ser conocida, conservada y valorada al traviés del nuesu proyeutu educativu, que promueve un modelu social intercultural.

*Aprobada na 51ª Asamblea Xeneral Ordinaria del Movimientu Scout Católicu. Madrid, 24 y 25 d'Ochobre de 2009.